



Bosna i Hercegovina imat će jednu od najvećih plantaža borovnice u Evropi. Njemačka firma "Elisa Berry" do kraja novembra će u Donjim Dubravama, na površini od 34 hektara, zasaditi novu kulturu, oko 105.000 sadnica borovnice.

U toku je postavljanje najsavremenije opreme za navodnjavanje plantaže iz bunara, a izgrađen je i bazen kapaciteta od 5.5 miliona litara vode i obezbijedena je cjelokupna infrastruktura. Trenutno je angažovano između 40 i 60 ljudi koji svakodnevno rade na sadnji borovnice.

Direktor firme Šaćir Imamović, kazao je da bosansko tlo kao i klima pogodna za uzgoj borovnice. Svojim primjerom želi pokazati i svima drugima da je budućnost ove zemlje u vlastitoj proizvodnji i uzgoju bobičastog voća.

- Za šest godina borovnica će davati puni plod gdje očekujemo 500 tona borovnice koja će se izvesti u Njemačku. Tokom berbe bit će nam potrebno do 500 ljudi, a firma će imati 15 stalno zaposlenih. Obezbijedit ćemo hladnjače za distribuciju borovnice na inostrano tržište. Imamo pogodno podneblje za uzgoj borovnice i volio bih da se stanovnici BiH okrenu vlasititoj proizvodnji - objašnjava Imamović i poručuje da sve domaće nije loše, a uvozno dobro.

- Žalosno je da naši ljudi sumnjaju u domaće proizvode. Bosna i Hercegovina je pogodna za ulaganje u organsku hranu prema rezultatima njemačkih instituta - kazao je Imamović. Cjelokupan projekat trenutno košta više od jedan milion eura, a u narednom periodu planirano je veće ulaganje. Firma "Elisa Berry" na površini od 20 dunuma u Živinicama će izgraditi hladnjače. To će biti jedan od najvećih distributivnih centara regiji, jer će se proizvodi otkupljivati iz susjednih zemalja i distribuirati na ino tržište.

Izvor: Avaz.ba